

第一三七册

方輿彙編

職方典

湖州府部

寧波府部

紹興府部

(卷)

九三—九四

九五—九六

九七—九八

古今圖書集成

中華書局影印

欽定古今圖書集成方輿彙編職方典

第九百七十二卷目錄

湖州府部彙考六

湖州府驛遞考

湖州府兵制考

湖州府物產考

湖州府古蹟考一

職方典第九百七十二卷

湖州府部彙考六

湖州府驛遞考

本府

烏程歸安二縣附郭

茗溪驛并遞運所

在府治定安門外明嘉靖

三十一年倭警遷於門內原額馬價站紅船等

銀共九千二百九十一兩四分二釐二毫於崇

府民田二萬三百九十八頃五十九畝三分九

釐九毫內派辦每畝徵銀四釐五毫五絲四忽

七微六塵六渺五漠

直隸江南并山東河南等驛上中下馬驢一百

九十三匹頭共銀七千四百五十一兩八錢二

分

本府茗溪驛并遞運所及德清縣每年船隻鋪

陳水手防夫工食共銀一千八百三十九兩二

錢二分二釐二毫

茗溪驛并遞運所每年該銀一千八百一十五

兩二錢二分二釐

府縣志合載

站船五隻每隻三年小修該銀四兩六分大修該銀六兩九分大造該銀三十兩

紅船一十隻每隻三年小修該銀一十兩六分大修該銀二十兩九分改造該銀六十兩

鋪陳二十五副每副五年一換共該銀一百四十五兩水夫一百四十名每年工食銀三

十六兩近奉文裁革徵銀解司

轎傘什物每年銀二十兩

支應使客每年廩給銀二百兩過關銀一百四十兩共銀三百四十兩

館夫一十二名每名每年一十兩共銀一百二十兩嘉靖四十五年巡按浙江監察御史龐裁

革館夫減派廩額每年銀三百六十六兩五錢一分八釐五毫歲給本驛官吏以備支用

烏程縣

總鋪 合府總鋪

九里鋪 在縣南八都鋪司一名鋪兵五名

羅灣鋪 在縣南八都鋪司一名鋪兵五名

許墓鋪 在縣南六都鋪司一名鋪兵五名

市山鋪 在縣南三都鋪司一名鋪兵五名

龍灣鋪 在縣西十七都鋪司一名鋪兵五名

雲水鋪 在縣西十都鋪司一名鋪兵五名

八字鋪 在縣西十五都鋪司一名鋪兵五名

楊鈕鋪 在縣南二十七都鋪司一名鋪兵五

名

孫老鋪 在縣東二十八都鋪司一名鋪兵五

名

最舍鋪 在縣東二十九都鋪司一名鋪兵五

名

驛村鋪 在縣東二十九都鋪司一名鋪兵五

名

魯墟鋪 在縣東二十九都鋪司一名鋪兵五

名

三里鋪 在縣東四十二都鋪司一名鋪兵五

名

衝要一十一鋪鋪司兵五十名共銀三百四十

九兩六錢遇閏加銀二十九兩一錢三分三釐

三毫內府前鋪鋪司兵并九里羅灣許墓市

山四鋪各一名共六名每名銀六兩魯墟鋪鋪

兵一名銀四兩餘各鋪司兵共四十三名每名

銀七兩二錢共該前數康熙十六年裁銀一百

一十六兩五錢三分三釐三毫三絲三忽三微

三纖三沙三塵三埃三渺三漠閏銀九兩七錢

一分一釐一毫一絲一忽一微一渺一漠閏銀

五錢三分三釐三毫零閏銀九兩七錢一分一

釐一毫存銀一百一十六兩五錢三分三釐三

毫四絲閏銀九兩七錢一分一釐一毫

次衝三鋪司兵九名內鋪司三名每名銀五兩

鋪兵六名每名銀六兩共銀五十一兩遇閏加

銀四兩二錢五分內龍灣鋪八字鋪雲水鋪各

三名銀共前數康熙十六年裁銀一十七兩閏

銀一兩四錢一分六釐六毫七絲十七年又裁

一十七兩閏銀一兩四錢一分六釐六毫七絲

存銀一十七兩閏銀一兩四錢一分六釐六毫

七絲

存銀一十七兩閏銀一兩四錢一分六釐六毫

七絲

存銀一十七兩閏銀一兩四錢一分六釐六毫

七絲

存銀一十七兩閏銀一兩四錢一分六釐六毫

七絲

存銀一十七兩閏銀一兩四錢一分六釐六毫

七絲

存銀一十七兩閏銀一兩四錢一分六釐六毫

七絲

六絲

偏僻烏鎮鋪司兵二名張家板橋鋪兵一名每名銀六兩共銀一十八兩遇閏加銀一兩五錢內康熙十六年裁銀九兩閏銀七錢五分十七年又裁銀四兩五錢閏銀三錢七分五釐存銀四兩五錢加閏銀三錢七分五釐

歸安縣

總鋪 合府總鋪

候射 在城南四十五里鋪司一名鋪兵五名

塘頭 在城南五十四里鋪司一名鋪兵五名

張家板橋鋪 鋪兵一名

衝要三鋪司兵一十四名內候射塘頭二鋪司

兵二名每名工食銀六兩府前鋪鋪兵并各鋪

鋪兵一十二名每名工食銀七兩二錢共銀九

十八兩四錢

長興縣

縣前總鋪 在縣東鋪司一名鋪兵八名

跨塘鋪 新橋鋪 俱東至烏程

下源鋪 目山鋪 獨山鋪 俱南至安

吉

卞村鋪 盛岡鋪 四安鋪

城頭鋪 俱西至廣德每鋪俱設鋪司一名鋪

兵五名

衝要鋪司兵工食銀二兩八錢縣前鋪驛司各

一名每名銀五錢鋪兵三名每名銀六錢

次衝九鋪司兵工食銀一十二兩七錢五分內

跨塘鋪新橋鋪獨山鋪卞村鋪盛岡鋪城頭鋪

下源鋪四安鋪目山鋪二司各一名每名銀四錢一分六釐六毫六絲六忽鋪兵二名共一十八名每名銀五錢

德清縣

縣前總鋪 在縣前名香亭鋪

導臻鋪 由南達杭州

烏鳶鋪 由北達武康

武康縣

縣前總鋪 在縣前

大施鋪 黃山鋪 分水鋪 由北達歸

安

安吉州

宋安鋪 在州治南六十步

安福鋪 在曹埠

梅溪鋪 在便民倉左

荆溪鋪 在顏村

順安鋪 在三官里

定福鋪 在沿干溪東

北山鋪 在晏子鄉

上舍鋪 在順本鄉

投村鋪 在順零鄉廣德界以上共鋪司六名

鋪兵二十名

次衝六鋪司兵每鋪三名共一十八名工食銀

一百二兩遇閏加銀八兩五錢

孝豐縣

縣前總鋪 在縣前

靈奕鋪 在靈奕鄉去縣一十里

沿圩鋪 去靈奕鋪十里

移風鋪 在移風鄉距縣二十里各鋪司兵夫

銀六十二兩又雜支銀五兩一錢六分六釐四

毫九絲五忽二微六纖八埃五渺八漠

湖州府兵制考

府志

本府

湖協鎮副府 在縣橋鋪

右營都司 在眺谷鋪

左營中軍守備 在南倉鋪

右營中軍守備 在橋南鋪以上俱屬烏程縣

地方俱係民房改設

太湖營中軍守備 在大錢湖口駐防

太湖營千總 在蔡鋪港駐防以上各員俱料

理閭郡地方兵務其所千等官則專管屯田漕

白糧運

演武場 在定安門內明洪武間建唐有射堂

在白蘋亭西宋有教場在郡治西北內有正乙

亭俱燬

軍器局 在馬車巷和尚橋下歲造軍器

長興縣

額設駐防將官一員聽憑總鎮在於左右營輪

委調換康熙元年守道張疏請設汎水口鼎家

橋額設防官一員以湖協鎮標守備帶兵一百名彈壓

德清縣

原額兵一百六十名後裁革今存五十名其鄉鎮要害各設駐防官及兵丁守之

武康縣

安吉州

額設安吉營在湖協鎮標下撥守備千把總率兵駐防

孝豐縣

湖鎮撥安吉營將官一員率兵駐防歲時較閱初無營房僦居民舍今暫駐鄉約所在縣治西

湖州府物產考

穀屬

府志

八月白稻 趕冬春 雁來枯稻

黃梗稻

紅蓮稻 陸龜蒙詩近炊香稻識紅蓮

烏鬚稻

紫芒稻 方千詩鱸膾飯紫芒

三穗千稻 下馬看稻 山白稻

野鷄斑稻 鵝脚黃稻

金城稻 俗呼黃秬

趕陳糯稻 光頭糯稻 鐵梗糯稻

羊鬚糯稻 馬鬚糯稻 烏香糯稻

泥裏變糯稻

稷 俗呼蘆稷

大麥 小麥 穠麥

黃豆 青豆 黑豆

紫羅豆 菜豆 赤豆

豇豆 蠶豆 豌豆

匾豆 刀豆 芝麻

菜屬

蕪菜 出烏程蘇灣者佳

菠稜菜

白頭菜 出郡城東北門外者最佳移之他處

則種雙

苾菜 芥菜 油菜

箭筈菜 蒿苣菜 苦蕒

蘿蔔 芫荽 薺

蕨 莧 芹

茄 王瓜 香瓜

西瓜 熟瓜 芋

冬瓜 萹蒲壺 蒜

葱 韭

薑

茭白 即菰也

笋 出棲賢山者佳

果屬

梅 多種惟消梅最青脆出道場山者佳烏梅

出安吉

櫻桃 禮曰含桃是也

桃 李 杏

林檎

楊梅 出弁山陳灣者佳太子灣次之

枇杷 葡萄

藕 出桑濱者佳

蓮葯 石榴 棗

菱 一名芰出菱湖按舊志云居人采菱作菱米以備凶年

梨 橘 柑

橙 柿

栗 出安吉孝豐歲以充貢

銀杏 荸薺

藥屬

菖蒲 半夏 百合

山查 貝母 香薷

紫蘇 茱萸 何首烏

白木 出青山

荊芥 香附子 山藥

薄荷 麥門冬 桑白皮

車前子 詩曰芣苢

金銀花 蛇牀子 山梔

枯樓子 牽牛子 連翹

芫薺 天南星 葶麻子

元參 茵陳 菟絲子

自然銅 出安吉

茯苓

紫石英 出壘山

石鍾乳 出黃龍洞

艾

木屬

松

杉

梓

植

桑

栢

椿

楮

竹屬

貓竹

苦竹

慈竹

斑竹

花屬

牡丹

山茶

薔薇

杜鵑

梔子

蘭蕙

芙蓉

玉簪

金鳳

水仙花

草屬

茗 卽葦花蘭心曰茗吳興溪旁多生故名茗

溪

蘆

芝

盛

芭蕉

芋

黃麻

葛

鳥屬

鶴

竹屬

百舌

畫眉

鶯

桑扈

鷗

鷗

鷗

鷗

鷗

鷗

鷗

鷗

鷗

吟詩逐之化翡翠飛去卽此鳥

獸屬

牛

豕

兔

貓

鹿

虎

猴

野豬

魚屬

鯉

鱸

鱸

鱸

鱸

鱸

鱸

鱸

鱸

鱸

鱸

鱸

鱸

鱸

鱸

鱸

馬

羊

犬

狸

虎

鹿

虎

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

鹿

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

魚

蝦

蟲屬

蠶 有頭蠶有二蠶性最惡溫育之頗難俗謂勝意則增饒失手則坐困此他郡之所無也

蜥蜴

蛙

蜈蚣

蜂

蟋蟀

絡緯

蜻蜓

食貨屬

酒 吳興舊有烏程酒荆南酒

茶 紫笋茶出長興顧渚山

絲 有合羅絲串五絲經緯絲屬縣俱有惟出於菱湖洛舍者第一

綿 有頭蠶綿最韌二蠶綿白而少脆惟武康有鵝脂綿甲於屬縣

絹 有官絹有生絹惟局絹有五色可同嘉興

紬 有水紬有紡絲紬出菱湖者佳

紗 有直紗花紗夾織紗出郡城內又包頭紗出雙林

綾 有紉綾有線綾練軟柔滑光彩眩人唐時充貢號吳綾近城出

布 鏡

筆 名品最多出歸安善璉村元時馮應科陸文寶善製筆其鄉習而精之故湖筆名於世

丹礪 葛仙翁遺製出長興方山窰

炭 長興合溪鎮出

石 太湖石最玲瓏出弁山黃龍洞

磚瓦 出烏程二十八都

石灰 出長興石山橋

湖州府古蹟考一 通志府志合載

本府 烏程歸安二縣附郭

明月樓 在子城西南隅唐貞元十三年建

鎮雲樓 即消暑樓唐貞元十五年建

韻海樓 顏真卿建

六客堂 在府治圖中宋元祐中建

愛山臺 在府治內西北隅宋建

下菰城 在縣南二十五里相傳即楚春申君黃歇所築

項王走馬埭 在弁山後有飲馬池有項王繫馬木石間有馬跡

石簣 在弁山東麓數丈殷康欲開會風雨而止

三碑 在縣南鄉漢有三費碑一紀梁相費況其二紀況之子鳳即以名鄉

仙人磨箭石 在弁山西南尚存痕跡為仙人磨箭石

孔老墩 在縣西北三十八里三吳志云昔有

孔氏婦少寡有子八人教以義方漢哀帝時俱為郡守故名

黃浦 一名黃蘗洲其源出黃蘗山後漢司隸校尉黃向於此築陂溉田因名

蘇公潭 在縣治東南一里九十步唐開元初蘇頌為烏程尉墜此水頭在水中聞人語云扶

出蘇公俄出水上後頭拜相封許國公

石林 在弁山太陽塢宋尚書左丞葉夢得所居

何楷讀書堂 在何山晉何楷徵時讀書於此後任吳興守捨居為寺

烏巾氏故居 在弁山

伍子胥宅 在縣東六十五里伍林村相傳子胥避讎吳中築室於此

春申君故宅 在下菰城

謝安故宅 在縣治南即雪溪館本名白蘋館

梁太守蕭琛建顏真卿改今名

謝靈運故宅 在謝村即福田寺

蕭翼故宅 即鴻禧寺

碧澗堂 在縣治東南館驛內唐杜牧建書八

分碧澗堂三字

浮暉閣 在定安門內賈收建

隱安故宅 在菁山未知葛勝仲別業

西亭 在縣治東

三琴亭 在杆山唐顏真卿建時癸年癸月癸

日故名

清容軒 在慈感寺內

窪綺亭 內有李相石紳唐大曆中建至元時  
廢明萬曆二年推官張應雷復建

浮碧亭 在峴山

逸老堂 在峴山頂

南園 在定安門內

芳菲園 在清源門內錢僊拾園爲寺

白蘋洲 在甯溪東南梁太守柳惲江南曲汀

洲米白蘋日暮江南春後人因以名洲唐大曆

中顏真卿作八角亭又爲茅亭書惲詩於上

溪光亭 在縣治前宋開禧二年建

鷗波亭 在江渚匯西趙子昂遊息之所今爲

旗幟廟

蓮花莊 在縣儒學南子昂之別業也四面陂

水環繞其所水中多蓮絕爲幽勝

趙孟頫故宅 在甘棠橋南

貴涇浦 在雲溪西岸

千金墟 在縣東南四十里

火爐頂 在東林山葛洪嘗煉丹於此

管公樓 在金婆樓之左子昂管夫人奉先之

所 魚脯樓 在儀鳳橋南境東宋歲貢魚脯於此

樓修製今其地名爲魚樓界

南園 在定安門內橫塘上

莫郎中園 在月河南岸

長興縣

三城三折 在縣東臨太湖吳王戊屯之地城

與折接畛吳城聯斯圻彭城聯石圻丘城連蘆

圻石圻以岸多石今沒入太湖斯圻蘆圻仍存

吳王城 在縣北三十里卽勾吳故城

四安城 在四安鎮

慶亭 在懸腳嶺下漢建安二十三年吳孫權

嘗擒虎於此唐沈法興使碑將薛元超戰于慶

亭卽此

石麒麟 在縣西北大雄寺南石高九尺旁有

巷曰麒麟

陳朝檜 舊在大雄寺殿前盤折古怪四面各

異蒼翠可掬相傳陳高祖手植

孝爲塚 在縣治東蔣灣唐天寶末邑人沈氏

畜一母鵝將死其雛悲鳴不復食母死啄敗薦

覆之又銜芻草列前若祭奠狀向天號叫而死

沈氏異之函二鵝埋於此

吳夫築宅 在上槩村

程林故宅 在程氏橋卽平政橋也

錢林故宅 在縣西子山

陳武帝故宅 卽長城宮在縣東下箬溪或云

大雄寺卽長城宮

聖井 在廣惠寺中陳武帝故宅也相傳其始

生時井水湧出汲以浴帝

陸龜蒙故宅 在縣東陸匯

崔元亮故宅 在縣西崔灣

駱祕道故宅 在駱灣

會景亭 一名芳巖在懸腳嶺唐時每歲毘陵

家春

明月峽 在顧渚山西北產茶絕佳

二仙石壁 在洛場五代高士韓必吳松煉丹

於此錢王遺羅隱招之二人隱入石壁

白石洞天 在八座山側唐韓湘隱於此山有

二井深不測

無胥淹 淹當作衍爾雅云大澤曰衍在縣治

北三十里俗傳伍子胥奔吳過此追者在後遇

一婦人浣紗問曰見子胥乎曰無胥因名

金沙泉 在縣治北四十五里顧渚山下唐時

以此水造紫筍茶進貢

玉寶泉 在縣治西南六十五里洛場深廣皆

二尺色紺碧味甘唐處士鄭邀與羅隱道士李

道殷卜築泉口號三隱草堂

德清縣

前溪村 在縣南晉車騎將軍沈充居之

左顧亭 在餘不溪上孔愉放龜之處

吳羌亭 在阜安橋之右

五子石 在百寮山之東

葛公壇 在縣東十八里葛山之上舊謂葛洪

煉丹之所

陸仙樓 在新市鎮通仙橋右跨河而建上肖

晉丹元真人陸修靜像舊傳月夜或聞仙樂冷

然之聲

桃源洞 在縣東北四十五里

東萊讀書堂 在慈相寺內呂祖謙嘗讀書於

武康縣

防風國 在縣東南一十七里古防風氏所居

卽風渚湖

孟郊故宅 在縣西二里地名孟光保有井存焉

烟霞塢

在縣東七里寶溪劉秀叔之別墅也

林麓之勝號稱洞天

安吉州

晏子城 在晏子鄉晏子娶吳王女築城於此

耕者每得黃金狀如四角菱中有齊字名晏子

金

故鄣城 去州西北一十五里秦滅楚置故鄣

縣唐武德七年併入長城

玉帶潮

在銅山鄉許夫人墓前早晚兩潮高

尺餘

石臺 在安福鄉埭溪口平地突起一石高四

五丈週圍十餘丈仰觀巉巖不易登攀旁有廟

名石虎或有鑿其石者虎遂咆哮有聲

溫教場 在梅溪鄉約百餘畝相傳溫天子屯

軍之所

靜蛙池 在常樂寺側蛙鳴聒耳開山肇法師

剪紙蛙投之卽止今雖有蛙而不鳴

花渚 在梅溪鄉相傳爲吳征西將軍吳環所

居

二吳讀書堂 在梅溪鄉

隱塢 在銅山鄉相傳昔梁陶貞白嘗隱居於

施斌故宅 在州西隅卽常樂寺

裴子野故宅 在永昌鄉

王文殊故宅 在晏子鄉孝行里

穆王城 在鳳亭鄉昔岳飛於此壘土結營後

封鄂王謚武穆人遂以穆王城呼之其將壇猶

在有橡樹一株大數圍莫敢犯者

孝豐縣

蘿林 卽彭祖墓世傳墓前二蘿林春不種而

生秋不收而枯人以刀鎌犯之則暴風疾作今

亦間有生者不如昔之盛耳

欽定古今圖書集成方輿彙編職方典

第九百七十三卷目錄

湖州府部彙考七

湖州府古蹟考二 墳墓附

湖州府部藝文一

調停吳興工役疏

梁昭明太子蕭統

檄告西楚霸王文

唐狄仁傑

西亭記

顏真卿

吳興溪亭記

權德輿

五亭記

白居易

白蘋亭記

李直方

墨妙亭記 井序

宋蘇軾

遊石林記

葉夢得

石林山堂記

前人

湖州勝賞樓記

葉適

遊吳興山水清遠圖記

元趙孟頫

照山記

明徐貫

不溪偶記

胡引嘉

浮碧亭

劉麟

天目山記

袁宏道

職方典第九百七十三卷

湖州府部彙考七

湖州府古蹟考二 墳墓附

本府 烏程歸安二縣附郭

通志

上古顓頊陵 晉初衡山崩見顓頊冢中有營

丘圖九首鳩茲顏真卿石柱記衡山上有顓頊冢

漢異人劉子訓墓 在湖跌山

太尉施延墓 在城西二十四里

大司馬丘騰墓 在城西十八里

三國吳文帝明陵 在城西西北西陵山寶鼎元年立吳興郡以衛其陵

景帝鈕皇后陵 在西陵山

太守姚渠墓 在城南六十里

當陽侯施績墓 在城南一十六里

梁刺史董知達墓 在城南六十里

宋天章閣待制胡瑗墓 在何山元至元中爲廣化寺所侵踏其碑總管郝鑑復之明洪武中知縣孫成復加封樹成化中累加修建

秀安僖王墓 在青山

嗣秀王墓 在青山

邢越王墓 在澄靜鄉

尚書右丞葉夢得墓 在弁山圓澄寺左

右丞相葛鄰墓 在城西南五十里

賢良陳舜俞墓 在青山

靳王韓世忠墓 在青山

孝子曹清墓 在城東四十里西陽村

明尚書嚴震直墓 在西塞上

尚書溫祥卿墓 在仁王山

尚書閔珪墓 在衡山

詩人孫一元墓 在道場山

大理寺卿陳恪墓 在黃山

尚書蔣瑤墓 在道場山

御史陸崑墓 在蕪林鄉

長興縣

漢祠郎錢敞墓 在縣西二十五里

旗門將軍錢成墓 在縣西五十里

西海侯徐鴻墓 在縣西二十五里

富春公錢讓墓 在縣西五十里

太守徐禹墓 在縣西五十里

晉龍驤將軍錢端墓 在縣北四里

大將軍錢廣墓 在縣西二里

太傅謝安墓 在縣西南三鴛岡安初葬建康之梅山後爲陳始興王叔陵發其墓安裔孫夷吾宰長城遷葬於此宋大觀三年縣尉周邦積題其墓曰晉太傅文靖謝公之墓

陳壽陵 在縣下箬寺西陽烏山齊太常卿道

巨墓陳高祖之祖也後尊爲壽陵

瑞陵 在縣西北五里陳高祖父文讀墓後尊

爲景帝墓曰瑞陵

嘉陵 在縣北五里陳高祖前夫人錢氏墓後

尊爲昭皇后墓曰嘉陵

明陵 在縣西北五里始興昭烈王道談墓陳

高祖之兄文帝之父也文帝嗣位尊爲明陵

司徒南郡王休光墓 在縣雒山休光陳高祖  
同母弟也封醴陵開國公討侯景戰死諡忠壯

隋九女墓 在縣西八里

宋章悼母羅夫人墓 在靈山

尚書顧應祥墓 在夏駕山

尚書顧應祥墓 在縣西二里靈山

德清縣

漢述善侯沈戎墓 在金鵝山

尚書令沈禮墓 在金鵝山

刺史沈彥墓 在金鵝山

河間相沈景墓 在金鵝山

晉鎮國大將軍朱泗墓 在朱墓村

餘不亭侯孔愉墓 在城山下

齊名賢沈麟士墓 在吳羌山之陽

梁尚書沈約墓 在縣東五十八里

唐平章裴休墓 在丁山之陽

朱嗣秀王趙師禹墓 在縣西五里

曾國公李澤墓 在積穀山

朝議大夫劉士英衣冠墓 在馬鞍山士英死  
節故葬以衣冠

安撫使成無玷墓 在烟塢村

和王楊存中墓 在馬山

開國侯施鉅墓 在荆子山

文思院朱吉甫墓 在移風鄉

元魏國公趙孟頫墓 在東衡橋

武康縣

漢刺史姚恢墓 在石城山

尚書左僕射姚皓墓 在石城山

三國吳太常卿姚信墓 在石城山

宋廷尉卿沈赤黻墓 在小山

吉陽侯沈演墓 在小山

梁司徒沈子春墓 在西陽山

陳尚書左丞沈不害墓 在縣北三十里

輔國大將軍戴血墓 在縣北六里

唐祕書少監姚思聰墓 在縣南三里

安吉州

三國吳將軍朱紀墓 在順安鄉

晉黃門侍郎萬先墓 在安福鄉

中鑄明侯施斌墓 在梅溪鎮

唐刺史顏真卿墓 在荆溪鄉

宋太師恭順王趙遵墓 在安福鄉

太師程大昌墓 在耶閣山

元吳興郡侯凌時中墓 在銅山鄉

明主事郎理烈婦沙氏合葬墓 在鳳亭鄉

郎中俞謙墓 在順安鄉

孝豐縣

商大夫老彭墓 在廣苕鄉彭宅里

漢東海侯萬豪墓 在魚池鄉

三國吳都亭侯萬成墓 在太平鄉

晉安成王郎中莫堅墓 在魚池鄉

湖州府部藝文一

調停吳興工役疏 梁昭明太子蕭統

伏聞當遣王弁等役上東三郡民丁開溝溝渠導泄  
霽澤使吳興一境無復水災誠矜恤之至仁經略之  
遠旨暫勞永遠必獲後利未萌難藉竊有愚懷所聞  
吳興累年失收民頗流移吳郡十城亦不全熟惟義  
興去秋有稔復非恆役之民即日東境穀價猶貴劫  
盜屢起所在有司皆不奏聞今征戌未歸強丁數少  
此雖小舉竊恐難圖吏一呼門動爲人盡又出丁之  
慮遠近不一比得齊集已妨蠶農去年稱爲豐歲公  
私未能足食如復今茲失業慮恐爲弊更深且草竊  
多伺候民間虛實若善人從役則抄盜彌增吳興未  
受其益內地已罹其災不審可得權停此工待優實  
以行聖心垂矜黎庶神量久已有在臣意見庸淺不  
識事宜苟有愚心願得上啓

唐狄仁傑

垂拱四年安撫大使狄仁傑檄告湖州西楚霸王項

君將校等其略曰鴻名不可以謬假神器不可以力

爭應天者膺樂推之名背時者非見幾之主自祖龍

御宇橫噬諸侯任趙高以當軸衆豪怙而齒劍沙丘

作禍於前望葬覆滅於後七廟墮圯萬姓屠原鳥思

靜於飛塵魚豈安於沸水赫矣皇漢受命元穹膺赤

帝之貞符當四靈之欽運俯張地紐彰鳳紀之祥仰

緝天綱鸞龍興之兆而君潛遊澤國嘯聚水鄉於扛

鼎之雄逞拔山之力莫測天符所會不知曆數有歸

遂奮關中之翼竟垂垓下之翅蓋實由於人事焉有

屬於天亡雖驅百萬之兵終棄八千之子以爲殷鑒

豈不惜哉固當匿魄東峯收魂北極豈合虛承廟食  
廣費牲牢仁傑受命方隅循章攸寄今遷焚燎祠宇  
削平臺室使蕙帷銷燼羽帳隨烟君宜速還勿爲人  
患微到如律令

西亭記

顏真卿

湖州烏程縣南水亭即梁吳興太守柳惲之西亭也  
緣以遠望浮於清流包括氣象之妙實資游宴之美  
觀夫構宏材拔廣榭豁達其外睽嵐其中雲軒水閣  
當亭無暑信爲仁智之所創原乎其始則柳吳興西  
亭之舊所爲世增崇之不易其地按吳均入東記云  
惲爲郡起西亭毘山二亭悉有詩今處士陸羽圖記  
云西亭城西南二里烏程縣南六十步跨苕溪爲之  
昔柳惲文暢再典吳興天監十六年正月所起以其  
在吳興郡理西故名焉文暢嘗與郡主簿吳均同賦  
西亭五韻之作由是此亭勝事彌著間歲頗爲州僚  
據而有之日月滋深室宇將壞而文人嘉客不得極  
情於茲憤憤悱悱者久矣邑宰李清請而修之以摅  
衆君子之意役不煩費財有羨餘人莫之知而斯美  
具也清皇家子名公之裔忠肅明懿以將其身清簡  
仁惠以成其政鳴琴二歲而流庸復者六百餘室廢  
田墾者二百頃浮客臻湊迨乎二年種桑畜蠶益乎  
數萬官路有刻石之埃吏廚有餐錢之查敦本經久  
率皆如是略舉數者其餘可知矣豈必夜魚春躍而  
後見稱哉於戲以清之地高且才而勵精於政事何  
患雲霄之不致乎清之簪仕也兩參雋父之列再移  
仙尉之任毗贊於蜀邑子男於吳興多爲廉使盛府  
之所辟薦則知學詩之訓間緝之心施之於政不得

不然也縣稱繁舊矣今詔升爲望清當受代而邑人  
已軫去思之悲白府願留者屢矣具卿重違耆老之  
請啓於十連優詔以旌清之美也某不佞忝當分憂  
共理之寄人安俗章固有所歸雖無爲臣擊肘之患  
豈盡子言用力之術由此論之則水亭之功乃餘力  
也夫知邑莫若州知宰莫若守知而不言無乃過乎  
今此記述以備其事懼不宣美豈徒愧詞而已哉

吳興溪亭記

權德輿

溪亭者何在吳興東部主人許氏所出作也亭製約  
而雅溪流安以清是二者相爲用而主人盡有之其  
智可知也夸目奪心者或大其開闢文其飾悅儉士  
恥之絕世離俗者或梯構巖嶽糾結蘿薛世教鄙之  
易若此亭與人實不相遠而勝境自至青苔在目潺  
湲激洶晴烟陰嵐明晦萬狀鳴飛魚遊不驚不啁時  
時歸雲來冒牙洞許氏方岸鵬冠支筇竹目送溪鳥  
口吟招隱則神機自生利欲自薄百骸六藏之內累  
無自而入焉有田二頃傳於庭下鐵基之功出於僮  
指每露蟬一聲秋稼成實倚杖眺遠不覺日暮歲食  
之美則以給樽中方其引滿陶然心與境冥則是非  
得喪相與奔北之不暇又何可滑於胷中噫夫舉世  
徇物以失性而不能自適且繆戾於動靜之理君之  
動也輟耕策仕必於山水之鄉故尉義興贊武康皆  
有嘉聞而無批政其靜也則偃曝於斯亭循分食力  
不矯不躁庸詎知今日善閉不爲異時之大來耶予  
知之深故因斯亭以廣其詞云

五亭記

白居易

湖州城東南二百步抵青溪溪連汀洲洲一名白蘋

梁吳興守柳惲於此賦詩云汀洲採白蘋因爲名  
也前不知幾千萬年後又數百年有名無亭鞠爲荒  
澤至大曆十一年顏魯公爲刺史始剪榛導流  
作八角亭遊息焉旋屬災滂得至治埋臺圯後又數  
十年委無隙地至開成三年弘農楊君爲刺史乃疏  
四渠濬三池樹三園構五亭卉木荷竹舟橋廊室洎  
遊宴息宿之具靡不備焉觀其架大溪跨長汀者謂  
之白蘋亭介三園閱百卉者謂之集芳亭面廣池曰  
列岫者謂之山光亭旣晨曠者謂之朝霞亭押清澗  
者謂之碧波亭五亭閱開萬象迭入向背俯仰勝無  
遁形每至汀風春漾月秋花繁鳥啼之日蓮開花香  
之夕賓賢集歌吹作舟楫徐動鰓詠半酣飄然恍然  
遊者相顧咸曰此不知方外也人間也又不知蓬瀛  
崑閬復何如哉時予守官在洛陽君臧書實圖請予  
爲記予按圖握筆心存目想觀縷縷縹緲十不得其  
二三大凡地有勝境得人而後發人有匠心匠得物而後  
開境心相遇固有時耶蓋是境也實柳守濫觴之顏  
公推輪之楊君續素之三賢始終能事畢矣楊君前  
牧舒舒人治今牧湖州人康康之由革弊興利若改  
茶法變稅書之類是也利興故府有美財政成故居  
多暇日由是以餘力濟高情成勝槩三者旋相爲用  
豈偶然哉昔謝柳爲郡樂山水多高情不聞善政龔  
黃在郡憂黎庶有善政不聞勝槩兼而有者吾友楊  
君乎君名漢公字用義善年祀浸久來者不知故名  
而字之時開成四年十月十五日記

白蘋亭記

李直方

新作白蘋亭書時且志政也梁太守柳惲賦詩于始

因以名洲今邦李公成室于終茲用目亭度乎事則位均考乎地則境同合美配德古今相望亭之時義至矣吳江之南震澤之陰曰湖州幅員千里基布九邑卅山屈盤而爲之鎮五溪叢流以導其氣其土沃其候清其人壽其風信實公之始至也恭覽明恕以懷之敬事實訓以勸之賦令之先必度其物宜而咨於前訓故居者逸亡者旋或蹈境而雷或聆聲而遷提封之內無榛灌繩墨之下無奸傲既而外邑多材郡不能濫公命懸諸善價俾代常徭於是乎幽岩之巨木斯出積歲之通租畢入公家受其利山氓蒙其惠由是白蘋之制經矣洲在郡城東南亂響溪而卽焉白沙如浮流波環之前有大野縣雲綠以萬峯顧有名都壓水駢以千室邑居可望而喧埃不及空水交映而雲天在下造化之工若有私於是焉菱菰叢生鳬鶴朋遊嘉名雖耀清境或棄公於是相顯爽之宜立卑高之程據洲之陽揆日之正揭大亭一焉修廊雙注北距於雲浮軒敞流澗水亭二焉大可以施筵席小可以容宴豆凡棟宇之法輪奐之美銛刮密石用成暈飛施宏壯而有度備形紫而不踰內則庭除朗潔彌望鋪雪曲沼逶迤以中貫飛梁天矯而對起紫桂翠簷辛夷木蘭碧枚丹實蛇走珠綴鮮飗暗起繁葉振蕊落英飄飄灑空浮水天目神池之上多不名之卉洞庭水府之下多怪狀之石嶙峋乎玉容葳蕤乎瑤芳衆榮偶植羅列布濩外則差以白蘋間之紅蕖川與天遠百里如組邦君之來肅肅旆旌綠舟徐移魚躍鳥鳴亭成之日三吳之賢大夫集焉公用鼓鐘羽籥以落之然後使臣之臨重客之來獲

游是者悅乎有遺區之歎則爲邦之成績作亭之良規參合二美游揚四海坐馳而逝與厥置借矧蘋之爲用風有季女之奠騷有放臣之望夫以淵溪之賤微而可充王公之殷薦是故君子重之今扶贊勝賞也如彼哲賢咏歌也如此則是亭憑眺之外又有傳經之道焉若乃乘農隙之暇時購武夫之美功塵囂不煩材用不屈揚昔人之休烈垂不朽之遐觀吞其創物之智有以加人不如是烏能及此已卯歲冬十月予將浮浙河上會稽凌縉雲觀赤城道出公之仁字目覽亭之崇構舉書其實合春秋傳信之經後之人無視十洲孟浪之說而沒其證云

墨妙亭記

宋蘇軾

熙寧四年十一月高郵孫莘老自廣德移守吳興其明年二月作墨妙亭於府第之北迢遙堂之東取凡境內自漢以來古文遺刻以實之

吳興自東晉爲善地號爲山水清遠其民足於魚稻蒲蓮之利寡求而不爭資客非特有事於其地者不至焉故凡守郡者率以風流嘯味投壺飲酒爲事自莘老之至而歲適大水田皆不登湖人大饑將相率亡去莘老大賑廉勸分躬自撫循勞來出於至誠富有餘者爭出穀以佐官所活至不可勝計當是時朝廷方更化立法使者旁午以爲莘老當日夜治文書赴期會不能復雍容自得如故事而莘老益喜賓客賦詩飲酒爲樂又以其餘暇網羅遺逸得前人賦味數百篇爲吳興新集其刻書尚有存而僵仆斷缺於荒陬野草之間者又皆集於此亭是歲十二月余以事至湖周覽歎息而莘老求文爲記或以謂余凡有

物必歸於盡而特形以爲固者尤不可長雖金石之堅俄而變壞至於功名文章其傳世垂後猶爲差久今乃以此托於彼是久存者反求助於速壞此既昔人之惑而莘老又將深簷大屋以錮留之推是意也其無乃幾於不知命也夫余以爲知命者必盡人事然後理足而無憾物之有成必有壞譬如人之有生必有死而國之有興必有亡也雖知其然而君子之養身也凡可以衛生而後死者無不用其治國也凡可以存存而救亡者無不爲至於無可奈何而後已此之謂知命是亭之作殆無足爭者而其理則不可以不辨故具載其說而列其名物於左云

遊石林記

葉夢得

李文饒平泉草木記以吾平泉一草一木與人者非吾子孫也歐陽永叔嘗笑之余謂文饒之惑何止平泉草木而已哉後讀五代史至張全義監軍與其孫延古爭醒酒石全義殺之延古可謂克家之子矣然以違監軍守祖戒因以殺身一石亦何足言使文饒而先悟此豈直無以累後人亦當自免其身矣好石良是一癖古今文士每見於詩詠者未必真好也其好者正自不能解余紹聖間春官下第靈璧縣世以爲出奇石余時病臥舟中聞茶肆多有求售公私未之貴人亦不甚重亟得其一長四尺許價當八百取之以歸探所有僅得七百金假之同舍而不覺病頓愈夜抱之以眠知予之好石不特其言自行此壑剏剔崖洞與藏於土中者愈得愈奇今崖洞始十餘處而奇石林立左右不可以數計心猶愛之不已豈非予之癖哉賴晚粗知道文饒之病則無復有客欲得

者皆聽其自取以去未嘗較嘗戲謂兒輩此不特吾無所累汝亦可以免矣天下事何嘗不類爾每以文饒之言觀之世間安得更有一物也

石林山堂記

前人

孔子言仁者靜知者動吾觀自古功名之士類皆好動不但興作事業雖起居語默之間亦不能自己王荆公平生不喜坐非睡即行居鍾山每飯已必跨驢一至山中或西菴或定林或中道捨驢獨過野人家亦或未至山復還然要必須出未嘗輟也作字說時用意良苦常置石蓮百許放案上咀嚼以運其思遇盡未及益即嚼其指至流血不覺世傳公初生家人見有羅入其產室有頃生公故小字羅郎嘗以問蔡元度曰有之物理殆不可曉蘇子瞻亦然初謫黃州布衣芒屨出入阡陌多挾彈擊江水與客爲娛每數日必泛舟江上聽其所往乘輿或入旁郡界經旬不返爲守者極病之晚貶嶺外無一日不遊山晁以道常爲余言頃爲宿州教授會公出守錢塘夜過之入其書室見壁間多張古名畫愛其鍾隱雪鴈欲爲題字而掛適高不能及因重二桌以上忽失脚墜地大笑二人皆天下偉人蓋出於智者當爾吾素頽墜固非二公之比自得此山樂其泉石欲爲藏書之所且攜數僕人荷鋤持耒平夷澗谷搜剔崖實雖風雨不避旁觀皆以爲甚勞而余實未嘗倦始其役於物耶新居將成頗亦自警夫仁智性之成德由是以入聖雖動其何傷其必有以養之而後不至於弊因榜其廳事東西兩齋曰近仁曰近智而廳曰樂壽非曰能之蓋雖老猶將學焉又以戒爲子孫者也

湖州勝賞樓記

葉適

凡城邑據江海陂澤之勝皆即以爲賞蓋物常聚於此矣吳興三面切太湖涉足稍峻偉浸可几席盡也然四水會於霅溪鏡波藍浪梁枳動搖而靚粧衫服之倒影互爲散合衆流放於荷葉浦沉清浮淥鳬鵲樓止而綺綺文藝之羅生無有際畔特嶺聯互巧石繡絡頗抑湖之重勢而蔽遮其寒風故其人意安而氣和舸經舫綽綽繪綵縷細聲勢渺渺豪唱激越宛轉一州間隨地而勝隨勝而賞無不得所求具區雖大不暇觀也夫豈娛於耳目之狹者易循而迫於心志之廣者難親耶亦其神靈爽異所獨鍾彼雖大而不小也國風廢王道息柳惲以江南曲名於時古之采蘋宮盈而釜熟薦於大宗禮至敬也主於少女教至行也惲之采蘋徒誅而已其思蕩其志淫豈召南本旨哉然而詞人藝士爭共誇述郡之勝實由是而始敞堂與館益盛於今太守趙君既新白蘋亭復樓於側其言曰清風水道碧澗山隱兼之者斯樓也力能見湖而不爲者民方與我遊於麗密之內我不敢與民縱於青冥之外也雖然以道講民見湖可哉白居易論謝柳樂山水多高情不聞善政按史惲守吳興前後十年其政清靜吏民所懷病去而乞畱千餘人居易偶不詳也政在平平在久加以不倦瘡土可使沃窮閭可使富兄蒲魚豐衍明山媚水素稱勝絕乎君初至損稅直增學廉親不葬女不嫁廢疾無醫死無殮棺皆助之恐不及可謂有志矣惜其暫不得久近惠而未及遠利也故錄以次惲君名希哲字漢英嘉定十五年三月

遊吳興山水清遠圖記

元趙孟頫

昔人有言吳興山水清遠非夫悠然獨往有會於心者不以爲知言南來之水出天目之陽至城南三里而近匯爲玉湖汪汪且百頃玉湖之上有山童童狀若車蓋者曰車蓋山由車蓋而西山益高曰道場自此以往奔騰相屬弗可勝圖矣其北小山坦迤曰峴山山多石草木疎瘦如牛毛諸山皆與水際路遠其麓遠望唯見草樹綠之而已湖中巨石如積坡陀磊砢葦葦聚焉不以水盈縮爲高卑故曰浮玉浮玉之南兩小峯參差曰上下釣魚山又南長山曰長超越湖而東與車蓋對峙者曰上下河口山又東西小山衡視則散布不屬從視則聯若鱗比曰沉長曰西余曰蜀山曰鳥山又東北曰昆山遠樹微茫中突若覆釜玉湖之水北流入乎城中合落於城東北又東北入於震澤春秋佳日小舟泝流城南衆山環周如翠玉琢削空浮水上與船低昂洞庭諸山蒼然可見是其最清遠處耶

照山記

明徐貫

成化己亥春二月予與伯兄廷傑一日散步家門外指照山言曰此山發跡名嶠中頗深邃聞有所謂塞基尖者昔人曾避亂焉終日在目曉聞未嘗一遊况遊者耶乃命姪惟善惟清約同遊之士於三月望日遊焉是日雨不克約越四月三日山雨初霽烟消日出時方在辰振從者出門乃遇錢氏子貢予拉之欣然前驅至照山下涉焉有泉自崖飛下作瀑布聲登田塢口旁有泉出石間叢篠蒙其上惟聞其聲淙淙然沿澗行半里許有泉跌蹕而下高丈許諸遊士

至此皆曰足力倦矣仰視絕頂未及十一益憚登陟  
惟惟善欲強之行咸有難色乃辭歸予五人者且行  
且坐惟吾兄舉步如飛沿澗石道峻峻側足而上旁  
有泉高數十丈飛空而下其色如練曰龍門山龍門  
而北有山橫峙於左中有田四五段約畝許又轉而  
稍西行數百步見二三婦女在叢薄間怪而問之答

曰採茶又行數百步有高姓名宗義者刈草為畚田  
具乃問其徑之所由又轉而稍東至鷓鴣頭則山勢  
益峻無住足之所兩旁壁立中惟一鳥道以左右手  
攀緣樹石逡巡而上有稍平處則坐坐輒復起力而  
行至其上有平處東南可二丈許西北徑丈餘皆曰  
此即寨基予雖疑其非是然已稍倦乃與惟善惟清  
皆憩息焉予兄又臨北山之絕頂而下東望則東山  
峴魚口峯西望則蛟原佳溪南則咸平富置雲頭北  
則柘源橫木余葉諸山綿綿延延或起或伏簇若在  
咫尺間其他溪口高洲南塘又皆舉足之下矣水勢  
曲折盤旋如帶一一皆可畫已渴欲飲去茶山已遠  
無可採者乃摘烏藥樹葉淪水啜之酒三行復循山  
頂東山行有石脊過脈處其北壁立數百仞惟善踞  
地瞰之曰適所坐處乃寨基右臂爾後稍南而高山  
者中可五丈許四面皆壁立此則寨基也予同視果  
然欲再往則足力不任矣乃相與憩息於照山之  
上有坪可二三丈許下視蜀阜諸山如培塿人家如蟻  
封雞犬之聲隱隱可聞酒五行沿山沿金字峰頂又  
東行過二峰頂至前壘即予所卜壽藏處也又數酌  
而歸日已在未矣予觀其山自徽歙至西山之南降  
勢結頂分為二支一支南入江村一支東至前壘其

至前壘者中至照山又結頂作華蓋形分作二小支  
逆上一支至前壘而止一支至畢墩復起一員峰折  
而北橫繞其前其他諸山又皆蜿蜒而來如拜如揖  
水前後環繞周匝始去

不溪偶記

胡引嘉

不溪襟帶清邑每過輒樂其清佳壬子孟秋偶得半  
日閑暇蕩舟乾元山下板橋跨曲港水色如碧油桑  
竹映發使人幽絕山麓老松萬株日影穿射涼風拂  
襟暑氣忽淅去南則超東則洛北則乾元金蟻互峙  
爭高平時登陟常有怯懦之色今步山麓遙在睂睫  
氣已凌之矣樵子復指余坦道逶迤如蛇盤中亭再  
休下視一邑不滿萬窠粉垣如畫蒼水貫之螺髻之  
山若股若倚田苗正綠烟嵐裊起亦領人意去亭稍  
陡峻再折而至前架一亭挿檜為藩其上兩楹中供  
大士香几潔清不見人影簫聲禩笑語裊裊自空中  
出余澄坐久之門榜高士庵蜀人陳侯效所題高士  
者漢吳光未沈驕士也其銘曰山不在高有仙則名  
余再誅徘徊不能去仙字疑不韻易以人字庶為雅  
慨按吳光漢季人避新莽之亂攜妻子隨梅福東隱  
於吳後居烏程之餘不鄉人因名其所居山為吳光  
山云沈驕士字雲植武康人家貧織簾為養作元散  
賦以絕世隱居於吳差山講經教授從學者數十百  
人各營屋宇依止其側吳差山今不知何地沈約與  
驕士書云名山既鄉內所豐晴川亦坐臥可對意即  
今之乾元也余考志無吳差山疑吳與差訛故齊書  
言吳差山以差著因以為號未知孰前更名何山乾  
元之名豈在差前耶又讀吳興掌故言雲植有希心

日損之句作元損賦與齊書元散又別然元損不如  
元散之合也并記以俟再考

浮碧亭記

劉麟

湖州城南二里有山曰峴浮碧亭在焉正德己巳東  
南大水湖郡堤防悉決民用阻饑歲午又水郡倅濱  
南侯君君錫適以其職而來乃周覽跋涉殫竭勞  
往來必以峴而憩息焉明年河疏堤築歲以中稔民  
乃請建亭館於上以為君憩息之所若曰猶名伯之  
有甘棠者君弗許曰時弗大裕也又明年疏者以達  
築者以固水至不為害歲且大稔民復以告君君以  
告太守太守曰魏公之衆春有園蘇公之喜雨有亭  
從民攸好子其圖之君乃蓄材鳩工不踰旬而亭成  
以間計者三以楹計者七十有二登亭以眺碧湖在  
前浮玉在下道場何弁諸峯森列環布流者如止時  
者如至爭秀獻奇諸景畢會落成之日太守與客來  
飲其中顧而嘆曰美哉亭乎天蒼蒼其下流與峴憑  
虛而中出也題之曰浮碧郡之大儒盛為詩歌維是  
築亭之義君屬予記之予維君子平政用物履中思  
盛而已勞逸有節遊觀以時臺園之作在昔則有蓋  
言中也古人之於民也功加而後役之故役而不勞  
勞而不怨子來有頌蓋言順也浮碧之役始以宣勞  
而協民心終以致裕而煩民力邦人樂之太守名之  
君子歌咏之其庶幾中順之道哉今君水利之修惠  
及千里而作亭之制不物數弓又有得於卑宮室而  
盡力溝洫之訓是宜有述俾後之屬民而自逸者有  
考也

天目山記

袁宏道

天目幽邃奇古不可言凡山深僻者多荒涼峭削者鮮迂曲貌古則鮮妍不足骨大則玲瓏絕少以至山高木乏石峻毛枯凡此皆山之病天目盈山皆壑飛流淙淙若萬疋綯一絕也石色蒼潤石骨奧巧石徑曲折石壁竦削二絕也雖幽谷縣巖庵宇皆精三絕也余耳不喜雷而天目雷聲甚小聽之若嬰兒聲四絕也曉起看雲在絕壑下白淨如綿奔騰如浪盡大地作琉璃海諸山尖出雲上若萍五絕也然雲變態最不常其觀奇甚非山居久者不能悉其形狀山樹大者幾四十圍松形如蓋高不踰數尺一株直萬餘錢六絕也頭茶之香者遠勝龍井笋味類紹興破塘而清遠過之七絕也余謂大江之南修真棲隱之地無踰此者

欽定古今圖書集成方輿彙編職方典

第九百七十四卷目錄

湖州府部藝文二詩詞

青山偶書

梁吳均

題郭公山

前人

錢山

黃潛

白蘋洲

柳惲

東林山

唐王維

送李十一尉臨溪

常建

香溪館

劉長卿

題玉村山叟屋壁

錢起

西亭

耿漳

前題

張籍

三癸亭

顏真卿

顧渚山

白居易

太湖

前人

顧渚山

杜牧

鎮書樓

前人

顧渚

前人

雪溪

許渾

西塞山

皮日休

太湖

前人

前題

陸龜蒙

賽玲瓏

前人

弁山

前人

前溪

前人

送德清喻明府

李頻

西塞山

羅隱

法華山

僧皎然

箸溪春興

前人

天目

靈一

茗水

前人

白蘋洲

清晝

霧山寺

宋寇準

白蘋洲

前人

題八勝寺

陳堯佐

何山

梅聖俞

道場山

蘇軾

何山

前人

飛英寺

前人

回仙觀和回仙詩

前人

題覺海寺

黃庭堅

寄何山慧老

汪藻

德清閒居

元趙孟頫

弁山

前人

飛英寺

前人

郭南道中

前人

毘山

黃潛

計籌山

林德芳

堯市山

楊維禎

弁山

前人

餘不溪詠

倪瓚

樓賢山

明張羽

道場霽曉

前人

蒼弁清秋

前人

西塞晚漁

前人

衡山暮嵐

前人

金盞出雲

前人

下菰長烟

前人

龍洞雲歸

前人

峴山

劉基

碧巖精舍

顧應祥

別峰庵

前人

天目晴雪

凌說

渚溪夕照

前人

梅溪春漲

前人

過新市

劉仲景

峴山

董份

前題

蔡汝楠

半月泉

周仲卿

逸老堂

陳霆

湖州道中

韓弈

毘山讀書堂

王世貞

題蓮花莊三品石爲吳樞李太守賦

謝肇淛

濟上有懷毘山

潘季馴

送白尉往湖州

唐順之

惜紅衣

宋吳文英

小重山

汪藻

木蘭花

張先

天仙子

沈會宗

臨江仙 與葉少蘊上巳九曲遊流杯  
又和簡 以上詞  
葛勝仲  
葉夢得

湖州府部紀事  
湖州府部雜錄  
湖州府部外編

職方典第九百七十四卷

湖州府部藝文二 詩詞

青山偶書  
梁吳均

家住青山下時向青山上青山不可上一上一上惆悵

題郭公山  
前人

郭生在童稚已得方外心絕迹遺世務棲真入長林  
元和感異類猛獸懷德音不懼因無情斯言微且深

錢山  
黃潛

吳興水為鄉諸山若浮萍况此一培塿瑣屑世未名  
所欣漁樵居乃與編錫井種竹有萬竿結茅無十楹  
老僧解人意踴躍能相迎芳草被行逕朱藤暗岩肩  
蕭條空階暮日照莓苔青猶嫌所歷卑未極遊眺情  
聳身白雲上始見春申城想當高會時樓觀飛青冥  
竭海薦囂勻窮山羞鼎鑪安知千歲後寂寥無人行  
煌煌冠蓋至躍躍狐兔驚歸來朱門客聽此松風鳴

白蘋洲  
柳惲

汀洲採白蘋日暮江南春洞庭有歸客滿湖逢故人  
故人久不返春華復應晚不道新知樂空言行路遠

東林山  
唐王維

貝錦峰頭指下蕪雌雄樹底數榮枯落花煙冷燒丹  
窠芳草雲深賣酒墟夜榻有燈雷獨鶴曉祠街鼓失  
羣鳥回仙一片祇園迹零落櫟皮壁上圖

送李十一尉臨溪  
常建

冷泠花下琴君唱渡江吟天際一帆影預懸離別心  
以言神仙尉因致瑤華音迴軫撫商調越溪澄碧林

雪溪館  
劉長卿

寥寥北堂上幽意獨誰論落日無王事青山在縣門  
雲峯向高枕漁浦入前軒竹動疎簾影苔生雙屐痕  
荷香隨坐臥湖色映朝昏虛牖閒生白鳴琴靜對言  
暮禽飛上下春色帶清渾遠岸誰家柳孤煙何處村  
謫居投瘴癘離思過相沉從此扁舟去誰堪江浦猿

題王村山叟屋壁  
錢起

谷口好泉石居人能陸沉牛羊上山小烟雨隔林深  
一逕入溪色數家連竹陰藏虹辭晚雨驚隼落殘禽  
涉趣皆流目將歸羨在林却思黃紱事辜負紫芝心

西亭  
耿漳

高亭賓客散暑夜醉相和細汗凝衣集微涼待扇過  
風還池色定月轉樹陰多遙想隨行者珊珊動曉珂

前題  
張籍

雪水碧悠悠西亭柳岸頭夕陽生遠岫斜照逐回流  
此地動歸思逢人方倦遊吳興者舊盡空見白蘋洲

三癸亭  
顏真卿

杼山多幽絕勝事盈跬步前者雖登攀淹留恨晨暮  
及茲紆勝引曾是美無度欹構三癸亭實維陸生故  
高賢能利物疏聚皆有趣不越方寸間居然雲霄遇

巍峩倚修岫瞻望臨古渡左右若石攢低昂桂枝蠹  
山僧狎猿猱巢鳥來枳棋俯視何楷臺旁瞻戴顓路  
運回未能下夕照明村樹

顧渚山  
白居易

遙聞境會茶山夜珠翠歌鐘俱遠身盤上中分兩州  
界燈前合作一家春青娥對舞應爭妙紫荷齊奪膏  
關新自笑花時客寫下蒲黃酒對病眠人

太湖  
前人

水天向晚碧沉沉樹影霞光重疊深沒月冷波千頃  
練飽霜新橘萬株金幸無案牘何妨醉縱有笙歌不  
廢吟十隻畫船何處宿洞庭山脚太湖心

顧渚山  
杜牧

山實東南秀茶稱瑞草魁削符離俗更修貢亦仙才  
溪盡停蠻語旂張翠翠苔重逢難自尅倪首入塵埃

鎮雪樓  
前人

晴日登攀好危樓物象饒一溪通四境萬岫遶層霄  
鳥翼舒華屋魚鱗棹短橈浪花機乍織雲葉匠新雕  
臺榭羅嘉卉城池散麗譙蟾蜍來作鑑蟬蛭引成橋  
燕往隨秋葉人空習早朝楚鴻行盡直沙鷗立偏翹  
暮角驚遊旅清歌慘慘悽景牽遊目困愁托酒腸消  
遠吹流松韻殘陽度柳標時陪庾公賞還悟脫煩囂

顧渚  
前人

倚溪侵嶺多高樹誇酒書旗有小樓驚起鴛鴦無限  
意一雙飛去却回頭

雪溪  
許渾

山斷水茫茫洛人西路長笙歌留遠棹風雨寄華堂  
紅壁耿秋燭翠簾凝曉香誰堪從此去雲樹滿陵陽